



STATE OF HAWAII
DEPARTMENT OF EDUCATION

Kojjella nan Jinen im Jemen, Ro Rej Eddo Kake, im Rijikuul Eo Ej Eddo Kin E Make: Form In Lelok Melele Kin Rijikuul Nan Recruiter Ro An Military

Kakien eo rej naetan Every Student Succeeds Act of 2015 (ESSA), ej aikuij bwe aolep ra ko an jelalokjen ilo juon bukon, ebar drelon Hawaii Department of Education (DOE), ren lelok nan recruiter ro an military, jabdrewot ien eo rej aikuiji, etan, aterej eo an, im telephone namba ko an rijikuul in intermediate lonlok. Mene recruiter ro elap wot aer jerbale ippan rijikuul in high school ro rej junior im senior, kakien eo ej komelimi aer bok melele kin rijikuul in “intermediate lonlok nan college” ak “secondary” jikuul ko. Rijikuul in intermediate lonlok rej pad ilo middle, intermediate im high school. Ebar drelon rijikuul in kilaa 7 lok nan 12 jen jikuul ko me ekoba elementary im intermediate jikuul (einwot K-7, K-8, K-9, K-11, K-12, 7-12).

Ne jabdrewot rijikuul eo emelim (18 an yiio) ak jinen im jemen ak eo ej eddo kake rijikuul eo ej secondary lonlok ejjab konaan bwe DOE en lelok melele kake, einwot an recruiter ro an military kajjitoki, rijikuul eo ej eddo kin e make ak jinen im jemen ak eo ej eddo kake rej aikuij “opt out” ak “kelet bwe en jab” lelok melele kake. Bwe en maron, ej aikuij jeje leta im kajjitok, im jaini etan ie im rijikuul eo ej eddo kin e make ak jinen im jemen ak eo ej eddo kake wot remaron jedrelot kake nan opij eo ilo jikuul eo an. Ilo leta eo ej aikuij pad etan jikuul eo im etan rijikuul eo kab raan in lotok eo an. Edredrelot an DOE ejaake juon form in “opt out” ak “kelet bwe en jab” bwe recruiter ro an military ren etal wot im jerbale kain kajjitok kein jen rijikuul ro rej eddo kin er make ak jineor im jemeor ak ro rej eddo kake er. Form in epad ilo im emaron download jen web page en an DOE ilo .



Jabdrewot ien ilowaan yiio in jikuul, rej ebok form in kajjitok nan “kelet bwe en jab”. Jinen im jemen, ro rej eddo kake er, ak rijikuul ro rej eddo kake er make remaron kadrelon form in “kelet bwe en jab” ilowaan 10 raan in jerbale elkin an jino jikuul. Ne ewor kajjitok rot in ej drelon elkin an dredrelot im mootlok melele ko an nan opij eo an Inter-Service Recruitment Council (IRC) ilo military, innem kajjitok eo nan an “kelet bwe en jab” enaj pad nan yiio eo tok elik ne ebar ien an DOE bar ijiklok nan IRC. Ne jinen ak jemen, eo ej eddo kake, ak rijikuul eo emalim an eddo kake e make ejab kadrelon an form in “kelet bwe en jab”, innem melele ko an rijikuul eo remaron bar driwojlok nan opij eo ekkar nan jonon eo kakien ko rej komalimi, ekkar nan ruul ko ikijen an malim an driwojlok melele mene ejelok malim.

Jikuul eo enaj file e kaabe in kajjitok eo am. Ne ekar wor form in “kelet bwe en jab” emoj an kar file ilo yiio in jikuul ko lok maan, renaj kile form eo mae ien rijikuul eo emoj an emmakut jen publik jikuul ko an Hawaii DOE ak mae ien armij eo ekar kommane kajjitok in “kelet bwe en jab” eo enaj joloke.